

Na osnovu člana 8. stav 3. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06), člana 55. Statuta Općine Ilijaš, prečišćeni tekst ("Službene novine Kantona Sarajevo", broj: 20/09), člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10), Općinsko vijeće Ilijaš, na svojoj redovnoj 17. sjednici održanoj dana 27.marta 2014.godine donijelo je:

O D L U K U

O USTUPANJU PRAVA KORIŠTENJA NAD ZEMLJIŠTEM UDRUŽENJU SPORTSKA AKADEMIJA ILIJAŠ U SVRHU IZGRADNJE MALONOGOMETNOG IGRALIŠTA SA UMJETNOM TRAVOM

Član 1.

Ovom Odlukom Općina Ilijaš i Udruženje "SPORTSKA AKADEMIJA" Ilijaš regulišu međusobna prava i obaveze u predmetu ustupanja prava korištenja nad dijelom zemljišta koje se nalazi na parcelama označenim kao k.č.br.1872/1; 1871/12 i 1871/14 u ukupnoj površini od 924 m² upisanih u K.O. Podgora (starog premjera), a što odgovara dijelu parcele k.č.br.144/1 K.O. Ilijaš Grad (novi premjer), na kojem pravo raspolaganja ima Općina Ilijaš, u svrhu izgradnje malonogometnog igrališta sa umjetnom travom.

Član 2.

Općina Ilijaš:

- ✦ ustupa bez naknade pravo korištenja nad zemljištem iz člana 1. ove Odluke Udruženju "SPORTSKA AKADEMIJA" Ilijaš na period od 5 (pet) godina počev od 01.04.2014.godine do 01.04.2019.godine
- ✦ daje pravo Udruženju "SPORTSKA AKADEMIJA" Ilijaš da na zemljištu iz člana 1. ove Odluke može izgraditi malonogometno igralište sa umjetnom travom kao privremeni objekat.

Član 3.

Udruženje "SPORTSKA AKADEMIJA" Ilijaš se obavezuje da će:

- ✦ u roku od tri mjeseca izgraditi malonogometno igralište i staviti ga u funkciju
- ✦ vršiti tekuće i investiciono održavanje malonogometnog igrališta
- ✦ 25% raspoloživih termina staviti na raspolaganje Općini Ilijaš
- ✦ pružati tehničke usluge korisnicima, kako bi se obezbjedio nesmetan rad malonogometnog igrališta

Član 4.

Općinsko vijeće Ilijaš ovlašćuje Općinskog načelnika da sa Udruženjem "SPORTSKA AKADEMIJA" Ilijaš, a na temelju ove Odluke može potpisati Ugovor, kojim će se regulisati međusobna prava i obaveze koja se odnose na korištenje ovog objekta.

Član 5.

Ova Odluka stupa na snagu danom objavljivanja u «Službenim novinama Kantona Sarajevo».

Broj: 01/1-02-_____/14
Ilijaš, 27.03.2014.godine

PREDSJEDAVAJUĆI
OPĆINSKOG VIJEĆA ILIJAŠ

Damir Filipović

Obrazloženje:

Pravni osnov za donošenje ove Odluke nalazi se u članu 8. stav 3. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06), kojim se definišu vlastite nadležnosti jedinica lokalne samouprave, između ostalog i utvrđivanje politike upravljanja i raspolaganja imovinom jedinice lokalne samouprave. Članom 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09) definisane su nadležnosti Općinskog vijeća, a članom 99. Poslovnika Općinskog vijeća Ilijaš ("Službene novine Kantona Sarajevo", broj:2/10) definisani su propisi koje donosi Općinsko vijeće.

Udruženje "SPORTSKA AKADEMIJA" Ilijaš obratilo se Općini Ilijaš zahtjevom da mu se privremeno ustupi na korištenje zemljište definisano u članu 1. ove Odluke u svrhu izgradnje malonogometnog igrališta sa umjetnom travom kao privremenog objekta.

Općina Ilijaš je navedeni zahtjev "SPORTSKE AKADEMIJE" Ilijaš ocijenila opravdanim jer se radi o vrlo uspješnom sportskom kolektivu koji okuplja oko 100 dječaka uzrasne dobi od 4 go 14 godina starosti, u kojem je stručni rad izuzetno dobro zastupljen (treneri su magistar sporta i profesor sporta), a naročito kada se zna da ovaj sportski kolektiv do sada nije imao adekvatne uslove za trenažni proces koji se povremeno odvijao na terenu NK "Jedinstvo" Ljubnići i pomoćnom terenu NK "Ilijaš".

Izgradnjom ovog privremenog objekta stvorit će se uslovi za neometan trenažni i takmičarski ciklus "SPORTSKE AKADEMIJE" Ilijaš, a 25% raspoloživih termina stavit će se na raspolaganje Općini Ilijaš.

Investitor ovog projekta je "SPORTSKA AKADEMIJA" Ilijaš.

Nosilac stručne obrade: Služba za društvene djelatnosti

Predlagač: Općinski načelnik